



JAVNO KOMUNALNO PREDUZEĆE "TRNOVO" d.o.o, TRNOVO
ul. Bare 30, Trnovo
ID BR: 4201554690009,
PDV-IB: 201554690009,
Tel/Fax: +387(0)33/438-226
www.jkp-trnovo.ba

Broj: 02-V-649/25

Datum: 22.05.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 12. Zakona o javnim preduzećima F BiH („Sl. novine F BiH“ br. 8/05, 81/08, 22/09 i 109/12), člana 263. tačka 3. Zakona o privrednim društvima („Sl. novine F BiH“ br. 81/15), člana 29. 41. 42. i 43. Statuta Javnog komunalnog preduzeća „Trnovo“ d.o.o. Trnovo broj: 01-VI-05/10, Odluke o utvrđivanju standarda i kriterija za izbor i imenovanje direktora Javnog komunalnog preduzeća „Trnovo“ d.o.o. broj: 02-V-644/25 od 22.05.2025.godine i Odluke o raspisivanju javnog oglasa za izbor i imenovanje direktora JKP „Trnovo“ d.o.o. Trnovo broj: 02-V-645/25 od 22.05.2025. godine, Nadzorni odbor preduzeća raspisuje:

**JAVNI OGLAS
ZA IZBOR I IMENOVANJE DIREKTORA
JKP „TRNOVO“ d.o.o. TRNOVO**

Raspisuje se Javni oglas za izbor i imenovanje direktora JKP „Trnovo“ d.o.o. Trnovo.

Izbor i imenovanje se vrši na mandatni period do četiri godine.

I- Opis pozicije:

- predsjedava Upravom, organizuje i rukovodi procesom rada i poslovanjem Preduzeća, zastupa i predstavlja Preduzeće u unutrašnjem i vanjskotrgovinskom prometu bez ograničenja, predlaže razvojnu i poslovnu politiku, predlaže planove rada i programe razvoja i preduzima njihovo sprovođenje, predlaže organizaciju Preduzeća, odgovoran je za zakonitost rada u Preduzeću, podnosi izvještaje o poslovanju i godišnji obračun, donosi pojedinačne akte u skladu sa Statutom i općim aktima Preduzeća, izvršava i organizuje sprovođenje odluka organa Preduzeća, utvrđuje prijedloge općih akata, odlučuje o potrebi za radom i raspoređivanjem radnika, odlučuje o pravima i odgovornostima radnika u skladu sa Zakonom, Kolektivnim ugovorom i Pravilnikom o radu, preduzima radnje vezane za registraciju Preduzeća, predlaže cijene usluga, zaključuje ugovore i poduzima druge pravne radnje.

Položaj, ovlaštenje, odgovornost i prava direktora regulisani su Statutom preduzeća, a uređuju se



ugovorom između Nadzornog odbora i direktora.

II- Uslovi

Kandidati za izbor i imenovanje na upražnjenju poziciju moraju ispunjavati opće i posebne uslove.

a) OPĆI USLOVI:

1. da je državljanin Bosne i Hercegovine,
2. da je stariji od 18. Godina,
3. da nije otpušten iz državne službe kao rezultat disciplinske mjere na bilo kom nivou u Bosni i Hercegovini, u periodu od tri godine prije dana objave upražnjene pozicije,
4. da se na kandidata ne odnosi član IX tačka 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Sl. novine F BiH" br. 12/03, 34/03 i 65/13),
6. da nije osuđivan za krivično djelo i za privredni prijestup nespojiv sa dužnošću u Upravi Preduzeća, 5 (pet) godina od dana pravosnažnosti presude isključujući vrijeme zatvorske kazne,
7. da nije lice kojem je presudom suda zabranjeno obavljanje aktivnosti u nadležnosti Uprave,
8. da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u Federaciji Bosne i Hecegovine („Sl. novine F BiH br. 70/08).

b) POSEBNI USLOVI:

1. da ima VSS – VII stepen stručne spreme, diplomu visokog obrazovanja, odnosno završeno visoko obrazovanje prvog, drugog ili trećeg ciklusa Bolonjskog sistema studiranja ili VŠS–VI stepen stručne spreme,
2. najmanje tri godine radnog iskustva nakon sticanja visoke stručne spreme ili najmanje pet godina radnog iskustva nakon sticanja više stručne spreme,
3. da ponudi Program rada i razvoja preduzeća u mandatnom periodu,
4. da posjeduje stručna znanja i menadžerske sposobnosti iz djelatnosti preduzeća,
5. da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova Nadzornih odbora i uprava privrednih društava sa učešćem državnog kapitala odnosno da preuzme obavezu da usavršavanje obavi u roku predviđenom



navedenom Uredbom (*dokaz: ovjerena kopija certifikata o završenom usavršavanju izdat od strane nadležnog organa/Komore ili izjava potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku predviđenom Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala*)

III - Potrebni dokumenti

Kandidati za imenovanje na poziciju direktora moraju ispunjavati navedene opće i posebne uslove konkursa. Uz potpisanu prijavu na konkurs, kandidati su dužni dostaviti sljedeću dokumentaciju (originalne dokumente ili ovjerene fotokopije koje ne mogu biti starije od 3 mjeseca), i to:

1. Biografiju,
2. Uvjerenje o državljanstvu,
3. Izvod iz matične knjige rođenih,
4. Izjave o činjenicama navedenim u tačkama 3.-8. općih uslova konkursa, sačinjene i potpisane od strane kandidata i ovjerene od strane nadležne općinske službe,
5. Dokaz o stručnoj spremi,
6. Dokaz o traženom radnom iskustvu ,
7. Program rada i razvoja preduzeća ,
8. Certifikat o završenom usavršavanju ili Izjavu o činjenici iz stava 5. posebnih uslova konkursa, sačinjenu i potpisanu od strane kandidata i ovjerenu od strane nadležne općinske službe.

Napomena: Kandidat koji bude izabran na poziciju direktora, a prije konačnog imenovanja, dužan je u roku od 15 dana, dostaviti uvjerenje o radnoj sposobnosti (ljekarsko uvjerenje) ne starije od 6 mjeseci. Dokaze o ispunjavanju uslova iz tačke 6. i 7. općih uslova konkursa, za kandidata koji bude izabran na poziciju, JKP "Trnovo" d.o.o. Trnovo pribaviti po službenoj dužnosti.

Kandidati koji uđu u uži izbor bit će pozvani na intervju. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba



JAVNO KOMUNALNO PREDUZEĆE "TRNOVO" d.o.o, TRNOVO
ul. Bare 30, Trnovo
ID BR: 4201554690009,
PDV-IB: 201554690009,
Tel/Fax: +387(0)33/438-226
www.jkptrnovo.ba

interesa u slučaju da dođe do njegovog imenovanja.

Kandidati sa kojima se ne stupa u kontakt u roku od 10 (deset) dana od isteka roka za podnošenje prijave neće biti uzeti u razmatranje u daljem procesu kandidovanja. Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Sl. novine BiH" br. 49/06, 76/11 i 89/11).

IV- Rok za podnošenje prijava

Javni oglas ostaje otvoren 15 dana od dana posljednjeg javnog objavljivanja u sredstvima informisanja. Konkurs će biti objavljen u „Službenim novinama F BiH“, dnevnim novinama „Oslobođenje“ i web stranici JKP "Trnovo" d.o.o. Trnovo.

Prijave sa traženim dokumentima dostaviti na adresu:

JKP „TRNOVO“ D.O.O. TRNOVO, BARE 30, 71 223 TRNOVO sa naznakom:
**„PRIJAVA NA JAVNI OGLAS ZA IZBOR I IMENOVANJE DIREKTORA JKP „TRNOVO“
D.O.O. TRNOVO– NE OTVARAJ“**

Na poledini koverta navesti ime i prezime podnosioca prijave, adresu i kontakt telefon.

Nepotpune i neblagovremene prijave neće se uzeti u razmatranje.

Preduzeće nije obavezno kandidatima vraćati dokumentaciju prispjelu na Javni oglas.

Predsjednik Nadzornog odbora

Admir Mulaosmanović